

Swati - Bafati imiBhalo - Wives Scriptures

Kubase-Efesu 5:22-24 Bafati, tfobelani emadvodza enu kungatsi kuseNkhosini.

23 Ngobe indvodza iyinhloko yemfati, njengobe naKhristu ayinhloko yelibandla, yena unguMsindzisi welibandla lelingumtimba wakhe. 24 Ngako-ke njengobe libandla litfobela Khristu, kanjalo nebafati abatfobele emadvodza abo kuko konkhe.

Kubase-Efesu 5:31,33 UmBhalo utsi: “Ngenca yaloko indvodza iyawushiya uyise nenina inamatsele kumkayo; labo bobabili bayawuba nyamanye.” 33 Noko-ke, akube ngulowo nalowo atsandze umkakhe, njengobe atitsandza yena, nemfati ahloniphe indvodza yakhe.

1 KubaseKorinthe 7:3 Indvodza ayenelise umfati wayo, nemfati ente njalo endvodzeni yakhe.

1 KubaseKorinthe 7:34 iminako yakhe yehlukene ekhatsi. Nalongakendzi nome intfombi ikhutsalela kweNkhosi, kuze ibe ngcwele emtimbeni nasemoyeni. Kepha lowendzile ukhutsalela kwemhlabo, kutsi angayijabulisa ngani indvodza yakhe.

KubaseKholose 3:18 Bafati, tfobelani emadvodza enu, njengalokufanele eNkhosini.

1 KuThimothi 2:11-15 Lomsikati kufanele afundze ngekuthula nangekutfobeka konkhe. 12 Kodvwa angimvumeli kutsi afundzise nome-ke engamele indvodza, kepha akathule. 13 Ngobe phela Adamu wentiwa kucala, kwase kulandzela Eva; 14 futsi Adamu akakhohliswanga, kepha ngumfati lowakhohliswa, wephula umtsetfo. 15 Kodvwa umfati uyawusindziswa ngekutala bantfwana, nabahlala ngekuzitsa konkhe ekukholweni, naselutsandvweni, nasekungcwelisweni.

Genesisi 3:16 Watsi kumfati: “Ngitakwandzisa buhlungu ekukhulelwani kwakho, bube bukhulu kakhulu; uyawutala bantfwana kabuhlungu. Kufisa kwakho kuyawubasendvodzeni yakho, yona iyakukubusa.”

1 YaPetro 3:1,2 Ngalokufananako-ke, nani bafati, tfobelani emadvodza enu, kuze kutsi nakukhona emadvodza langalikhola livi, nawo azuzeke ngaphandle kwenkhulomo, azuzwe yintfobeko yebafati bawo, 2 nakabona similo senu lesimsulwa lesinekwesaba Nkulunkulu.

KuThithusi 2:1-5 Wena fundzisa loko lokufanele imfundziso lephilile. 2 Uyale emadvodza lamadzala kutsi atitsibe, azitse, acondze, acine ekukholweni, naselutsandvweni, nasekuciniseleni. 3 Kanjalo nabomake labadzala ubayale kutsi bahlonipheke ngesimilo, bangabi tinhlebi nome tigcili tekudzakwa, kufanele babe bafundzisi balokulungile. 4 Abafundzise bomakoti kutsi batsandze emadvodza abo nebantfwababo, 5 babe ngulabacondzile nalabacotfo; baphatse kahle emakhaya abo, balunge, batfobele emadvodza abo, kuze lingahlanjalatwa livi laNkulunkulu.

Taga 12:4 Umfati lolungile ungumchele wendvodza yakhe; kodvwa loyihi lazisako ufanana nekubola ematsanjeni ayo.

Taga 14:1 Umfati lohlakaniphile uyawakha umuti wakhe; kepha losilima uwubhidlita ngetakhe tandla.

Taga 19:13 Indvodzana lesilima ilesela uyise kufa. Umfati lotsetsela futsi ufanana nelifonsi lemvula lelingenelako endlini litsi ntfo-ntfo-ntfo.

Taga 21:9,19 Kuncono kuhlala wedvwana etaleni kunekuhlala ngekhatsi endlini kanye nemkakho lotsetsela futsi. 19 Kuncono kuhlala wedvwana ehlane, kunekuhlala nemkakho lotsetsako nalotetemako.

Taga 25:24 Kuncono kutihlalela wedvwana etaleni kunekuhlala endlini yinye nemfati lotsetsela futsi.

Taga 27:15,16 Umfati lotsetsela futsi ufanana nekunfontsa kwemanti latsi ntfo-ntfo-ntfo nalina. 16 Kwetama kumthulisa kufanana nekwetama kuvimba umoya nome kwetfwala emafutsa lancibilikile ngesandla.

Taga 31:10-31 Ngubani longatfola umfati sibili? Uligugu lelengca onkhe ematje laligugu. 11 Indvodza yakhe yetsembele kuye ngenhlitiyo yayo yonkhe, futsi ingeke yeswele lutfo. 12 Uyentela lokuhle ngaso sonkhe sikhatsi sekuphila kwakhe, akayenteli lokubi. 13 Ukhetsa insontfo lenhle nakotini lokahle, asebente ngetandla letivumako. 14 Njengemikhumbi yebahwebi, kudla kwemndeni wakhe ukulandza khashane. 15 Uvuka kungakasi alungisele umndeni wakhe kudla, bese wabela tidzandzane takhe imisebenti. 16 Utsi angatfola indzawo, ayitsenge ngemali latentele yona ngetandla takhe, bese uyayilima wenta sivini. 17 Ukhutsele, uyabhukula afinyete tidvwaba, acinise tandla, asebente. 18 Uyacaphelisia kutsi umsebenti wakhe uyayingenisa yini inzuzo, asebente kuze kube ngusebusuku. 19 Uyatitfungela atelukele. 20 Unesandla ekusiteni labamphofu, aphe nalabeswele. 21 Kukhitsika kwelitulu akumefusi, ngobe bonkhe bemndeni wakhe banetimphahla letifutfumalako. 22 Wenta tembeso temibhedze, embatse timphahla letentiwe ngakotini locolisakele naletibukhwebeletane. 23 Indvodza yakhe iyahlonishwa emasangweni, lapho ingulenyi yemalunga emsumphe khona. 24 Utfunga tingubo ngendvwangu lecolisakele, bese utsengisela bahwebi. 25 Wembetse emandla nekuhlonipheka, futsi akesabi lutfo ngelikusasa. 26 Ukhulumu kuhlakanipha, lulwimi lwakhe lugcwele teluleko temusa. 27 Ucaphelisia konkhe lokwenteka ekhaya lakhe, akavilaphi. 28 Bantfwabakhe bayamhlonipha, nendvodza yakhe futsi iyamdvumisa idzimate itsi: 29 “Banyenti bafati labenta tintfo letinhle, kodvwa wena ubendlula bonkhe.” 30 Buhle buyayengana, nekubukeka kulite; kodvwa umfati lowesaba Simakadze ufanele kudvunyiswa. 31 Mbonge ngako konkhe lakwenta ngetandla takhe; umdvumisele imisebenti yakhe layentile ngisho nasemkhatsini webantfu.